

太上天通經註

都梁叅學清庵瑩蟾子李道純註

太上謂无上可上天通謂无所不通經謂登真之
徑路衆所通行之道也首章云无形无體謂真空
妙理最上一乘之妙也即太上之義次章云如空
无相謂四通八達无所窒礙即大通之義也下章
云无相无為廣無邊際謂大道至廣至大至妙无
窮日用之間頭頭顯露此所以為經也

先天而生

顯諸仁

生而无形

藏諸用

後天而存

所存者神

存而无體

神无方易无體

然而无體陰陽不測

未嘗存也運化不息

故曰不可思議妙用无窮

東京大學
東洋文化研究所所藏
漢籍善本全文影像資料庫

書名 太上大通經註一卷
撰者 元 李道純 撰
卷 卷一
內容分類 子-道家-道經
索書號 子部-道家-97
編號 C6744400

[彩色首頁1](#)

[東洋文化研究所漢籍目錄 編號: C6744400](#)

[東洋文化研究所漢籍目錄所藏漢籍善本全文影像資料庫 索書號: 子部-道家-97](#)

[漢籍善本全文影像資料庫文本太上大通經註一卷](#)

版權所有: [東京大學](#) [東洋文化研究所](#)

[使用上的注意事項](#)

太上大通經註

都梁參學清庵瑩蟾子李道純註

太上謂无上可上大通謂无所不通經謂登真之
徑路衆所通行之道也首章云无形无體謂真空
妙理最上一乘之妙也即太上之義次章云如空
无相謂四通八達无所窒礙即大通之義也下章
云无相无為廣無邊際謂大道至廣至大至妙无
窮日用之間頭頭顯露此所以為經也
先天而生 顯諸仁 生而无形 藏諸用
後天而存 所存者神 存而无體 神无方易无體
然而无體陰陽不測 未嘗存也 運化不息
故曰不可思議妙用无窮

右真空一章原道之始也子曰天何言哉四時行
焉百物生焉即先天而生生而无形之義也中庸
曰視之而不見聽之而不聞體物而不可遺即後
天而存存而无體之義也然而無體故運化生成
而无窮也非窮理盡性者其孰能與於此故授之
以玄理章

靜為之性寂然不動 心在其中矣感而遂通
動為之心見物便見心性在其中矣无物心不見
心生性滅心生種種法生 心滅性現心滅種種法滅
如空无相大象无形 湛然圓滿道上徹下
右玄理章原性之元也中庸曰喜怒哀樂未發之
謂中中也者天下之大本也即靜為之性之義又

曰發而皆中節謂之和和也者天下之達道也即動為之心之義性本靜非心則不見心本靜非動即不見因物見心潛心見性性寂知天是謂通也苟或心隨物轉性所以忘也故曰心生性滅設若潛心入寂性所以現也故曰心滅性現蓋性如虛空動與不動常寂見與不見常明一切物來相撓如片雲點虛空相似大清還受點也無既不受點則湛然圓滿我之性天亦復如是

大道无相故内其攝於有 養其无象象故常存 真性无為故外不生其心 無所用心心故常存

如如自然廣無邊際 无為則无不通

對境忘境不沉於六賊之魔 我不逐境境无

居塵出塵不落於萬緣之化 我不立塵塵不染我

致靜不動 大定 致和不遷 大慧

慧照十方 大明 虛變无為 大通

右玄妙章明道之理也故次之以玄理章洞古經云養其无象象故常存即大道无相之義孟子曰无為其无所不為即真性无為之義内无相則如如自然外无為則廣大患備祖師謂丹田有寶休問道對境无心莫問禪即此義也對境忘境何魔之有居塵出塵何緣之有緣息則性靜魔息則心和致靜則不動致和則不遷二理兼持則圓明普照神變无方也

頌曰

有法悟无法 心随法生法随心滅

无脩解有脩 性本无脩脩即非性

包含萬象體 心空性寂无所不容

不掛一絲頭 纔染一塵即成滲漏

右頌言其體用也體之則無用之則有所以自有

法頓悟无法因无脩勘破有脩至於有无不立心

法雙忘體同太虛包羅无外大道之理至是而盡

矣

大道經註終

太上昇玄說消灾護命妙經註

脩 江

泥

然

子

註

太者無也上者極 昇高也玄妙也說開化也消

滅也灾害也護保也命身也妙方之又玄也經心

也徑也人人共行之徑路也天尊言無極大道化

生天地萬物之多無物不有其妙唯人得其秀而

最靈然雖靈也人生風土不同稟受則有殊異是

有賢愚不平等故天尊以慈憫力開方便門普化世

人明本來之真性全見有之身命以心鍊念以情

歸性然默運天機流精化氣會於乾宮充周四體

乃謂之昇玄運符火以鍊神點金液以鍊形形強

神清諸邪不入百病不生長生久視超塵出劫乃